

四庫全書

集部

欽定四庫全書

御定全唐詩卷五百七十

李羣玉

靜夜相思

山空天籟寂水榭延輕

一作清

涼浪定一浦月藕花閒自

香

桂州經佳人故居

桂水依舊綠佳人本

一作今

不還祇應隨暮雨飛入九疑

山

放魚

早覓為龍去江湖莫漫

一作浪

遊須知香餌下觸口是鉤

鉤

蓮葉

根是泥中玉心承露下珠在君塘下

一作上

種埋沒任春

蒲

客愁二首

客愁看柳色日日逐春深蕩漾

一作浩蕩

春風起誰知歷亂

心

客愁看柳色日日逐春長憑送湘流水綿綿入帝鄉

洞庭乾二首

借問蓬萊水誰逢清淺年傷心雲夢澤歲歲作桑田  
朱宮紫貝闕一旦作沙洲八月還平在魚蝦不用愁

病起別主人

益媿千金少情將一飯殊恨無泉客淚盡泣感恩珠

火爐前坐

孤燈照不寐風雨滿西林多少關心事書

一作畫

灰到夜

深

古詞

一合相思淚臨江灑素秋碧波如會意却與向西流

嘲賣藥翁

斲盡春山土辛勤賣藥翁莫拋破笠子留作敗

一作販

天

公

傷小女癡

一作兒  
疑

哭爾春日短支頤長嘆嗟不如半死樹猶吐一枝

一作半邊

花

青鷁

獨立蒹葭雨低飛浦嶼風須知毛色下

一作異

莫入鷺鷥

叢

池塘晚景

風荷珠露傾驚起睡鵲鵲月落池塘靜金刀剪一聲

投從叔

可惜出羣蹄毛焦久卧泥孫陽如不顧騏驥向誰嘶

惱自澄

常聞天女會玉指散天花莫遣春風裏紅芳點紫裝

讀賈誼傳

早濕長沙地空拋出世才已齊生死理鵬鳥莫為災

寄人

寄語雙蓮子須知用意深莫嫌一點苦便擬棄蓮心

寄韋秀才

荆臺蘭渚客寥落共含情空館相思夜孤燈照雨聲

春日寄友

一作春日南臺  
初晴望寄友

晴氣熏櫻蘂丰濛雪滿林請君三斗酒醉卧白羅岑

題竹

一頃含秋綠森

一作春

風十萬竿氣吹朱夏轉聲掃碧霄

寒



懷初公

不見休上人空傷碧雲思何處開寶書秋風海光寺

龍安寺佳人阿最歌八首

團團明月面冉冉柳枝腰未入鴛鴦被心長似火燒  
見面知何益聞名憶轉深拳學荷葉子未得展蓮心  
欲摘不得摘如看波上花若教親玉樹情願作薰葭

門路穿茶焙

一作  
電

房門映竹煙會須隨鹿女乞火到窗

前

不是求心印都緣愛綠珠何須同泰寺然後始為奴  
既為金界客任改淨人名願掃琉璃地燒香過一生  
素腕撿金索輕紅約翠紗不如欄下水終日見桃花  
第一龍宮女相憐是阿誰好魚輸獺盡一作畫白鷺鎮長  
飢

野鴨

鴻鵠借毛衣喧呼鷹隼稀雲披菱藻地任汝作羣飛

題二妃廟

黃陵廟前春已空  
子規啼血滴松風  
不知精爽歸何處  
疑是行雲秋色中

寄友二首

野水晴山雪後時  
獨行邨落

一作路

更相思無因一向溪

頭

一作橋

醉處處寒梅映酒旗

花落輕寒酒熟遲  
醉眠不及落花期  
愁人相一作想憶春

山暮煙樹蒼蒼播

一作撥

穀時

桃源

我到瞿真

一作童

上升處山川四

一作西

望使人愁紫雲白

鶴去不返唯有桃花

一作源

溪水流

題王侍御宅

門向滄江碧岫開地多鷗鷺少塵埃綠陰十里灘聲裏

閒自

一作去一作即

王家看竹來

聞湘南從叔朝覲

長沙地窄卻回時舟楫駸駸向鳳池為報湘川神女道

莫教雲雨濕旌旗

漢陽太白樓

江上層

一作晴

樓翠靄間滿簾春水滿窗山青楓綠草將

愁去遠入吳雲暝不還

送客

沅水羅文海燕回柳條牽恨到荆臺定知行路春愁裏  
故郢城邊見落梅

醴陵道中

別酒離亭十里強半醒半醉引愁長無端

一作人

寂寂春

山路雪打溪梅狼籍香

校書叔遺暑服

翠雲

一作芸

箱裏疊櫳櫳

一作櫳櫳

楚葛湘紗淨似空便著清

江明月夜輕涼與挂

一作致

一身風

贈魏三十七

名珪字玉淨無瑕美譽芳聲有數車  
莫放燄光高二丈  
未年燒殺杏園花

酬崔表仁

一作臣

昨日朱門一見君，忽驚野鶴在雞羣。  
不應長啄潢汙水，早晚歸飛碧落雲。

旅遊番禺獻涼公

帝鄉羣侶杳難尋，獨立滄洲歲暮心。  
野鶴棲飛

一作飛棲無

遠近稻粱多處是

一作則恩深

長沙元門寺張瑛員外壁畫

片石長松倚素楹，脩然雲壑見高情。  
世人只愛凡花鳥，無處不知梁廣名。

請告出春明門

一本無請  
告二字

本不將心挂名利亦無情意在樊籠鹿裘藜杖且歸去  
富貴榮華春夢中

引水行

一條寒玉走秋泉引出深蘿洞口煙十里暗流聲不斷  
行人頭上過潺湲

移松竹

龍髯鳳尾亂飈

一作  
飈

帶霧停風一畝秋待取滿庭蒼



翠合酒尊書案閉門休

歎靈鷲寺山榴

水蝶巖蜂俱不知露紅凝艷數千枝  
山深春晚無人賞  
即是杜鵑催落時

黃陵廟

一作李遠詩

黃陵廟前莎草春黃陵女兒茜裙新  
輕舟短一作小櫂一作

棹唱一作歌去水遠山長愁殺人

北亭

斜雨飛絲織曉空  
疎簾半捲野亭風  
荷花向盡秋光晚  
零落殘紅綠沼中

送客往潯陽

春與春愁逐日長  
遠人天畔遠思鄉  
蘋生水綠不歸去  
孤負東溪七里莊

寄友人鹿胎冠子

數一作散點疎星紫錦斑  
仙家新樣剪三山  
宜與謝公松

下戴淨簪雲髮翠  
微間

江南

鱗鱗別浦起微波  
汎汎輕舟桃葉歌  
斜雪北風何處宿  
江南一別酒旗多

荅友人寄新茗

滿火芳香碾麴塵  
吳甌湘水綠花新  
媿君千里分滋味  
寄與春風酒渴人

峽山寺上方

滿院泉聲水

一作山

殿涼疎

一作殿

簾微雨野松香  
東峰下

視南溟月笑踏金波看海光

秋登涪陽城

一作樓

二首

萬戶砧聲水國秋涼風吹起故鄉愁行人遠望偏傷思  
白浪青楓滿北樓

穿針樓上閉秋煙織女佳期又隔年斜笛

一作漢

夜深吹

不落一條銀漢

一作浪

挂秋天

釣魚

七尺青竿一丈絲菰蒲

一作蔣

葉裏逐風吹幾回舉手拋

芳餌驚起沙灘水鴨兒

酬魏三十七

靜裏

一作  
裏

寒香觸思初開絨忽見二瓊琚一吟麗句風

流極沒得弘文李校書

贈琵琶妓

我見鴛鴦飛水上君還望月苦相思  
一雙裙帶同心結  
早寄黃鸝孤鴈兒

落帆後賦得二絕

平湖茫茫春日落危檣獨映沙洲泊  
上岸閒尋細草行  
古查飛起黃金鵝

水浮秋煙沙曉雪皎潔無風鐙影徹

一作影  
澄澈

海客雲帆

未挂時相與緣江拾明月

贈人

曾留宋玉舊衣裳惹得巫山夢裏香  
雲雨無情難管領  
任他別嫁楚襄王

贈妓人

誰家少女字千金省向人間逐

一作觸

處尋今日分明花

裏見一雙紅臉動春心

山榴

洞中春氣蒙籠暄尚有紅英千樹繁  
可憐夾水錦步障  
羞數石家金谷園

鸛鵒

錦羽相呼暮沙曲波上雙聲戛哀玉  
霞明川靜極望中  
一時飛滅青山綠

沅江漁者

倚櫂汀洲沙日晚江鮮野菜桃花飯長歌一曲煙靄深

歸去滄江

一作浪

綠波遠

題金山寺石堂

白波四面照樓臺日夜潮聲繞寺迴千葉紅蓮高會處  
幾曾龍女獻珠來

戲贈魏十四

蘭浦秋來煙雨深幾多情思在琴心知君調得東家子



早晚和鳴入錦衾

和人贈別

嘖黛低紅別怨多深亭

一作停

芳恨滿橫波聲中唱出纏

綿意淚落鐙前一曲歌

宿巫山廟二首

寂寞高堂別楚君  
玉人天上逐行雲  
停舟十二峰巒下  
幽佩仙香半夜聞

廟閉春山曉月光  
波聲回合樹蒼蒼  
自從一別襄王夢

雲雨空飛巫峽長

傷柘枝妓

曾見雙鸞舞鏡中  
聯飛接影對春風  
今來獨在花筵散

一作  
上月滿秋天一半空

題櫻桃

春初攜酒此花間  
幾度臨風倒玉山  
今日葉深一作聲黃

滿樹再來惆悵不能攀

惱從兄

芳草萋萋新燕飛  
芷汀南望鴈書稀  
武陵洞裏尋春客  
已被桃花迷不歸

紫極宮齋後

紫府空歌碧落寒  
曉星寥亮月光殘  
一羣白鷺高飛上  
散一作唯有松風吹石壇

春晚

思鄉之客空凝嘖  
一作天邊欲盡未盡春  
獨攀江樹深不語  
芳草落花愁殺人

喜渾吉見訪

公子春衫桂水香遠衝飛

一作霏

雪過書堂貧家冷落難

消日唯有松筠滿院涼

索曲送酒

簾外春風正落梅  
須求狂藥解愁回  
煩君玉指輕攏撚  
慢撥鴛鴦送一栳

山驛梅花

生在幽崖獨無主  
溪蘿澗鳥為儔侶  
行人陌上不留情

愁香空謝深山雨

重陽日上渚宮楊尚書

落帽臺邊菊半黃行人惆悵對重陽  
荊州一見桓宣武為趁悲秋入帝鄉

書院二小松

一雙幽色出凡塵數粒秋煙二尺鱗  
從此靜牕聞細韻琴聲長伴讀書人

勸人廬山讀書

憐君少雋利如鋒氣爽神清刻骨聰片玉若磨唯轉瑩  
莫辭雲水入廬峯

言懷

白鶴高飛不逐羣嵇康琴酒鮑昭文此身未有棲歸處  
天下人一作之間一片雲

聞笛

冉冉生山草何異截而吹之動天地望鄉臺上望鄉時  
不獨落梅兼落淚

曉譙

一作  
粧

金波西傾銀漢落綠樹含煙倚朱閣曉華朧朧

一作  
曉聞

調笙一點殘燈隔羅幕

將遊荊州投魏中丞

貧埋病壓老巔岬拂拭菱花不喜看又恐無人肯青眼  
事須憑仗小還丹

二辛夷

狂吟亂舞雙白鶴霜翎玉羽紛紛落空庭向晚春雨微

却斂寒香抱瑤萼

題龍潭西齋

寂寞幽齋暝煙起滿徑西風落松子遠公一去兜率宮

唯有面

一作門

前虎溪水

中秋寄南海梁侍御

一本無梁字

海靜天高景氣殊鯨睛失彩蚌潛珠不知今夜越臺上

望見瀛洲方丈無

戲贈姬人

一本此下有賦尖字韻四字一作張祐與杜牧聯句詩



骰子巡拋裏手拈無因得見玉纖纖但知謔道金釵落  
圖向人前露指尖

大庾山嶺別友人

簞蓄無子駕雛飢毛彩凋摧不得歸誰念火雲千嶂裏  
低身猶傍鷓鴣飛

石門戍

到此空思吳隱之潮痕草蔓上幽碑人來皆望珠璣去  
誰詠貪泉四句詩

文殊院避暑

赤日黃埃滿世間  
松聲入耳即心閑  
願尋五百仙人去  
一世清涼住雪山

南莊春晚二首

連雲草映一條陂  
鷗鷺雙雙帶水飛  
南邨小路桃花落  
細雨斜風獨自歸

草暖沙長望去舟  
微茫烟浪向巴丘  
沅江一作湘寂寂春  
歸盡水綠蘋香人自愁

湘妃廟

少將風月怨平湖見盡扶桑水到枯  
相約杏花壇上去  
畫欄紅紫闕樗蒲



御定全唐詩卷五百七十

欽定四庫全書

集部

御定全唐詩卷五百七十一至  
四

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣許立學

欽定四庫全書

御定全唐詩卷五百七十一

賈島

賈島字浪

一作閻

仙范陽人初為浮屠名無本來東都時

洛陽令禁僧午後不得出島為詩自傷韓愈憐之因教  
其為文遂去浮屠舉進士詩思入僻當其苦吟雖逢公  
卿貴人不之覺也累舉不中第文宗時坐飛謗貶長江  
主簿會昌初以普州司倉參軍遷司戶未受命卒有長

江集十卷小集三卷今編詩四卷

古意

碌碌復碌碌百年雙轉轂志士終一作中夜心良馬白日

足俱為不等閒誰是知音一作者目眼中兩行淚曾弔三

獻玉一作別來兩淚盡誰向荆山哭

望山

南山三十里不見踰一旬冒雨時立望望之如朋親虬  
龍一掬波洗蕩千萬春日雨不斷愁殺望山人天事

不可長勁風來如奔陰霤一作霤一以掃浩翠寫國門長

安百萬家家張屏新誰家最好山我願為其鄰

### 北嶽廟

天地有五嶽恒嶽居其北巖巒疊萬重詭怪浩難測人  
來不敢入祠宇白日黑有時起霖雨一灑天地德神兮  
安在哉永康我王國

### 朝飢

市中有樵山此

一作北

舍朝無煙井底有甘泉釜中乃空

然我要見白日雪來塞青天坐

一作立

聞西牀琴凍折兩

三弦飢莫詣他門古人有拙言

哭盧仝

賢人無官死不親者亦悲空令古鬼哭更得新鄰比平生四十年惟著白布衣天子未辟召地府誰來追長安有交友託孤遽棄移塚側誌石短文字行參差無錢買松栽自生蒿草枝在日贈我文淚流把讀時從茲加敬重深藏恐失遺



劍客

一作  
迷劍

十年磨一劍霜刃未曾試今日把似

一作示  
一作事

君誰為一作

有  
不平事

口號

中夜忽自起汲此百尺泉林木含白露星斗在青天

寄遠

別腸多鬱紆豈能肥肌膚始知相結密不及

一作若

相結

疎疎別恨應少密離

一作別

恨難祛門前南流

一作去

水中

有北飛魚魚飛向北海可以寄遠書

一本無此句多此情復何如欲剪衣

上襟裁作寄遠書三句

不惜寄遠書故人今在無

一作華山茗堯形遠望齊平蕪

況此數尺身阻彼萬里途自非日月光難以知子軀

齋中

耽靜非謬

一作爲

為本性實疎索齋中一就枕不覺白日

落低扉凝軒轡寡德謝接

一作然

諾叢蔕在墻陰秋窮未

開萼所餐

一作食

類病馬動影似移嶽欲駐迫逃衰豈殊

辭綆縛已見飽時雨應豐蔬與藥

感秋

商氣颯已來歲華又虛擲朝雲藏奇峰暮雨灑疎滴幾

蛸嘿

一作商飛

涼葉數蛩思陰壁落日空館中歸心遠山碧

昔人多秋感今人何異昔四序馳百年玄髮坐成白喧  
喧徇聲利擾擾同轍迹儻無世上懷去偃松下石

翫月

寒月破東北賈生立西南西南立倚何立倚青青杉近  
月有數星星名未詳諳但愛杉倚月我倚杉為三月乃

不上杉上杉難相參  
眊眊子細視睛瞳  
桂枝剗目常有  
熱疾久視無煩炎  
以手捫衣裳零露已濡霑  
久立雙足凍時向股胫淹  
立久病足折兀然羈膠粘  
他人應已睡轉喜此景怙  
此景亦胡及而我苦淫耽  
無異市井人見金不知廉  
不知此夜中幾人同無厭  
待得上頂一作上頂看未擬歸枕  
函強步望寢齋步步情不堪  
步到竹叢西東望如隔簾  
却坐竹叢外清思刮幽潛  
量知愛月人身願化為蟾

辭二知已

一雙千歲鶴立別孤翔鴻波島忽已暮海雨寒濛濛離  
人聞美彈亦與哀彈同況茲切切弄繞彼行行躬雲飛  
北嶽碧火息一作思西山紅何以代遠誠折芳臘雪中

義雀行和朱評事

玄鳥雄雌俱春雷驚蟄餘口銜黃河泥空一作去即翔天

隅一夕皆莫歸嘒嘒遺衆雛雙雀抱仁義哺食勞劬一作

勞志劬雛既遷迤一作衆飛雲中聲相呼燕雀雖微類感

媿誠不殊

一作燕感雀深恩雀媿揚不殊

禽賢難自彰幸得主人書

宿懸泉驛

曉行瀝水樓暮到懸泉驛林月值雲遮山燈照愁寂

辯士

辯士多毀訾不聞談已非猛虎恣殺暴未嘗齧妻兒此

理天所感

一作感

所感

一作感

當問誰求食飼雛禽吐出美

言詞善哉君子人揚光掩瑕玼

不欺

上不欺星辰下不欺鬼神知心兩如此然後何所陳  
食魚味在鮮食蓼味在辛掘井須到流結交須到頭此語  
誠不謬敵君三萬秋

絕句

海底有明月圓於天上輪得之一寸光可買千里春

寓興

莫居暗室中開目閉目同莫趨碧霄路容飛不容步暗  
室未可居碧霄未可趨勸君跨仙鶴

一作竹

日下雲為衢

遊仙

借得孤鶴騎高近金烏飛掬河洗老

一作古

貌照月生光

輝天中鶴路直天盡鶴一息歸來不騎鶴身自有羽翼

若人無仙骨芝朮徒

一作無

煩食

枕上吟

夜長憶白日枕上吟千詩何當苦寒氣忽被東風吹冰  
開魚龍別天波殊路岐

雙魚謠

時韓職方書中以  
孟常州簡詩見示



天河墮雙魴飛我

一作來

庭中央掌握尺餘雪劈開腸有

璜見令饒舌短烹遶鄰舍香一得古詩字與玉含異藏

### 易水懷古

荆卿重虛死節烈書前史我歎方寸心誰論一時事至  
今易水橋寒風兮蕭蕭易水流得盡荆卿名不消

一作凋

### 早起

北客入西京

一作涼

北鴈再離北秋寢獨前興天梭星落

織耽翫餘恬爽顧盼輕痾力旅途少顏盡明鏡勸仙食

出門路縱橫張家路最直昨夜夢見書張家廳上壁

客喜

客喜非實喜客悲非實悲百迴信到家未當身一歸未  
歸長嗟愁嗟愁填中懷開口吐愁聲還却入耳來常恐  
淚滴一作滴淚多自損兩目輝鬢邊雖有絲不堪織寒衣

延壽里精舍寓居

旅託避華館荒棲遂愚慵短庭無繁植珍果春亦濃側  
廬廢一作發局樞纖魄時臥逢耳目乃鄧井肺肝即巖峰

汲泉飲酌餘見我閒靜容霜蹊猶舒英寒蝶斷來踪雙  
履與誰逐一一作尋青瘦筇

贈智朗禪師

上人分明見玉兔潭底沒上人光慘貌古來恨峭發涕  
辭孔顏廟笑訪禪寂室步隨青山影坐學白塔骨解聽  
無弄琴不禮有身佛欲問師何之忽與我相別率賦則  
遠言言慙非子曰

送沈秀才下第東歸

曲言惡者誰悅耳如彈絲直言好者誰刺耳如長錐沈  
生才俊秀心腸無邪欺君子忌苟合擇交如求師毀出  
疾夫口騰入禮部闈下第子不恥遺才人恥之東歸家  
室遠掉轡時參差浙雲近吳見汴柳接楚垂明年春光  
別回首不復疑

酬棲上人

夜久城館閒情幽出一作只在山新月有微輝朗一作亦朗

空庭間處世雖一作不識機伊余多掩關松姿度臘見籬

藥知春還靜覽冰雪詞厚為酬贈顏東林有躑躅脫屣  
期共攀

冬月長安雨中見終南雪

秋節新已盡雨

一作林

踈露山雪西峯稍覺明殘滴猶未

絕氣侵瀑布水

一作水

凍著白雲穴今朝灞滻鴈何夕瀟

湘月想彼石房人對雪扉不閉

必結切

寄孟協律

我有弔古泣不泣向路岐揮淚灑暮天滴著

一作每滴

桂樹

枝別後冬節至離心北風吹坐孤雪扉夕

一作久

泉落石

橋時不驚猛虎嘯難辱君子詞欲酬空覺老無以堪遠

持岩窺倚角窗

一作窗角

王屋懸清思

和劉誼

京官始云滿野人依舊閒閉扉一畝居中有古風還市

井日已午幽窗夢南山喬木覆北齋有鳥鳴其間前日

遠嶽僧來時與開關新題驚我瘦窺鏡見醜顏陶情惜

清澹此意復

一作共

誰

一作羣

攀

明月山懷獨孤崇魚塚

明月長在目 明月長在心 復在目 何得稀去尋試

望明月人 孟夏樹蔽岑 想彼嘆此懷 樂喧忘幽林

一作森

鄉本北嶽外 悔

一作每

恨東夷深 願縮地脈還 豈待天恩

臨非不渴 隱秀

一作李

却嫌他事侵 或云岳樓鐘來繞草

堂吟當從令尹後 再往步柏林

投張太祝

風骨高更老 向春初陽葩 冷冷月下韻 一一落海涯 有

子不敢和一聽千嘆嗟身卧東北泥魂挂西南霞手把

一枝栗往輕覺程賒水天朔方色暖日蒿根花達

一作達

閒幽棲山遣尋種藥家欲買雙瓊瑤慙無一木瓜

詠韓氏二子

千巖一尺壁八月十五夕清露墮桂花白鳥舞虛碧

送別

丈夫未得意

一作志

行行且低者素琴彈復彈會有知音

知



攜新文詣張籍韓愈途中成

袖有新成詩欲見張韓老青竹未生翼一步萬里道仰  
望青冥天雲雪壓我腦失却終南山惆悵滿懷抱安得  
西北風身願變蓬草地祇聞此語突出驚我倒

上谷送客遊江湖

莫歎迢遰分何殊咫尺別江樓到夜登還見南臺月

重酬姚少府

隙月斜枕旁諷詠夏貽什如今何時節蟲虺亦已蟄答

遲禮涉傲抱疾思加澀僕本胡為者銜肩貢客集茫然  
九州內譬如一錐立欺暗少此懷自明曾瀝泣量無趨  
勇士誠欲戈矛戢原閣期躋攀潭舫偶俱入深齋竹木  
合一作多畢夕風雨急俸利沐均分價稱煩噓喻百篇見  
剛罷一命嗟未及滄浪愚將還知音激所習

投孟郊

月中有孤芳天下聆薰風江南有高唱海北初來通容  
飄清冷餘自蘊襟抱中止息乃流溢推尋却冥濛我知

雪山子謁

一作渴

彼偈句空必竟獲所實爾焉遂深衷錄

之孤燈前猶恨百首終一吟動狂機萬疾辭頑躬生平

面未交永夕夢輒同叙詰

一作詩

誰君師詎言無吾宗余

求履其跡君曰可但攻瑕波腸易

一作未

飽揖險神難從

前歲曾入洛羗池阻從龍萍家復從

一作徒

趙雲思長縈

縈

一作蒿

蒿海

一作海劇

每可詣長途追再

一作難

窮願傾肺腸

事盡入焦梧桐

代邊將

持戈簇邊日戰罷浮雲收露草泣寒霖夜泉鳴隴頭三尺握中鐵氣衝星斗牛報國不拘貴憤將平虜讎

寄劉棲楚

趨走與偃卧去就自殊分當窗一重樹上有萬里雲離披不相顧髣髴類人羣友生去更遠來書絕如焚蟬吟我為聽我歌蟬豈聞歲暮儻旋歸晤言桂氣氤

寄丘儒

地近輕數見地遠重一面一面如何重重甚珍寶片自

經失歡笑幾度騰霜霰此心鎮懸懸天象固一作因迴轉

長安秋風高子在東甸縣儀形信寂蔑風雨豈乖間憑人報消息何易憑筆硯俱不盡我心終須對君宴

### 送陳商

古道長荊棘新岐路交橫君於荒榛中尋得古轍行足踏聖人路貌端禪士形我曾接夜談似聽講一經聯翩曾數舉昨登高第名釜底絕烟火曉行皇帝京上客遠府遊主人須目一作月明青雲別青山何日復可一作同升

一作  
并

送張校書李霞

從京去容州馬在船上多

一作  
賒

容州幾千里直傍青天

涯掌記試校書未稱高詞華義往

一作  
枉

不可屈出家如

入家城市七月初熱與夏未差餞君到野地秋涼滿山

坡

一作  
陀

南境異北候風起無塵沙秦吟宿楚澤海酒落

桂花暫醉即還醒彼土生桂茶

寄友人

同人半年別一別寂來音賴有別時文相思時一吟我  
常倦投跡君亦知此衿筆硯且勿棄蘇張曾陸沈但存  
古在口當冀身遂心君看明月夜松桂寒<sub>森森</sub>

答王參

寸晷不相待四時互

<sub>一作去</sub>

如競客思先覺秋蟲聲苦知

暝霜松積舊翠露月團

<sub>一作圖</sub>

如鏡詩負屬景同琴孤坐

堂聽相期黃菊節別約紅桃徑每把式微篇臨風一長

詠

延康吟

寄居延壽里為與延康鄰不愛延康里愛此里中人人  
非十年故人非九族親人有不朽語得之煙山春

戲贈友人

一日不作詩心源如廢井筆硯為轆轤吟詠作縻

一作縻

綆朝來重汲引依舊得清冷書贈同懷人詞中多苦辛

寓興

真集道方至貌殊妬還多山泉入城池自然生渾波今



時出古言在衆翻為訛有琴含正韻知音者如何一生

足感激世言

一作顏

忽嵯峨不得市井味思鄉音

一作向

吾巖

阿浮華豈我事日月徒蹉跎曠哉潁陽風千載無其他

### 懷鄭從志

西風吹陰雲

一作雪

雨雪

一作雲

半夜收忽憶天涯人起看

斗與牛故人別二年我意如百秋音信兩杳杳誰云昔

綢繆平明一封書寄向

一作來

東北舟

一作州

翩翩春歸鳥

會自為匹儔

易州登龍興寺樓望郡北高峰

郡北最高峰，巉巖絕雲路。朝來上樓望，稍覺得幽趣。朦朧碧煙裏，羣嶺若相附。何時一登陟，萬物皆下顧。

送鄭山人遊江湖

南遊衡嶽上，東往天台裏。足躡華頂峰，

一作峰頂

目觀滄海

水

就峰公宿

河出鳥宿後，螢火白露中。上人坐不倚，共我論量空。殘

月華曖曖遠水響玲瓏爾時無了夢

一作寤

茲宵方未窮

### 劉景陽東齋

松陰連竹影中有蕪苔井清風此地多  
白日空自永景陽公幹孫詩句得真景  
勸我不須歸月出東齋靜

### 對菊

九日不出門十日見黃菊灼灼尚繁英  
美人無消息

### 送集文上人遊方

來從道陵井雙木

一作去求

溪邊會分首芳草時遠意青天

外此遊詣幾嶽嵩華衡恒泰

題岸上人郡內門居

靜向方寸求不居山

一作千

嶂幽池開菡萏香閒閉莓苔

秋金玉重四句批糠輕九流鑪煙上喬木鐘磬下危樓  
手種一株松貞心與師儔

遊子

遊子喜鄉遠非吾憶歸廬誰知奔他山自欲早旋車朝  
賞暮已足圖歸願無餘當期附鵬翼未偶方躊躇

寄山中王參

我看嶽西雲君看嶽北月長懷燕城南相送十

一作里

別別來千餘日日日憶不歇遠寄一紙書數字論白髮

送汲鵬

淮南卧理後復逢君姓汲文采非尋常志願期卓立深  
江東泛舟夕陽眺原隰夏夜言詩會往往追不及

寄令狐相公

一作赴長江道中

策杖

一作馬

馳山驛逢人問梓州長江那可

一作日

到行客

替生愁

御定全唐詩卷五百七十一

欽定四庫全書

御定全唐詩卷五百七十二

賈島

哭柏巖和尚

苔覆石床新師曾占

一作吾師去

幾春寫留行道影焚却坐

禪身塔院關松雪

一作路

經房鎖隙塵自嫌雙淚下不覺

解空人

山中道士

頭髮梳千下休糧帶瘦容養雛成大

一作老

鶴種子作高

松白石通宵煮寒泉盡日春不曾離隱處那得世人逢

就可公宿

十里尋幽寺寒流數派分僧同雪夜坐鴈向草堂聞靜  
語終燈燭餘生許嶠雲由來多抱疾聲不達明君

旅遊

此心非一事書札若為傳舊國別多日故人無少年空  
巢霜葉落疎牖水螢穿留得林僧宿中宵坐默然



送鄒明府遊靈武

曹宰西畿縣三年馬不肥債多平

一作憑

劍與官滿載書

歸邊雪藏行徑林風透卧衣靈州聽曉角客館未開扉

題皇甫荀藍田廳

任官經一年縣與玉峰連竹籠拾山果瓦瓶擔石泉客  
歸秋雨後印鎖暮鐘前夕別丹陽浦時時夢釣船

贈王將軍

宿衛爐煙近除書墨未乾馬曹金鏃中身有寶刀瘢父

子同時捷君王畫陣看何當為外帥白日出長安

下第

一本有別  
人二字

下第只

一作  
惟

空囊

一作囊  
毛蒼

如何住

一作囊  
回懸

帝鄉杏園啼

百舌誰醉在花傍

一作鶯聲寒食  
後人醉曲江傍

淚落故山遠病來春

草長知音逢

一作  
酬

豈易

一作豈  
易別

孤棹負

一作  
復

三相

寄賀蘭朋吉

往往東林下花香似火焚故園從小別夜雨近秋聞野  
菜連寒水枯株簇古墳泛舟同遠客尋寺入幽雲斜日

扉多掩荒田徑細分相思蟬幾處偶坐蝶成羣會宿曾  
論道登高省議文苦吟遙可想邊葉向紛紛

憶吳處士

半夜長安雨燈前越客吟孤舟行一月萬水與千岑島  
嶼夏雲起汀洲芳草深何當折松葉拂石剡溪陰

哭孟郊

身死一作沒聲名在多應萬古傳寡妻無子息破宅帶林

泉塚近登山道詩隨過海船故人相弔後斜日下寒天

送崔定

未知遊子意何不避炎蒸幾日到漢水新蟬鳴杜陵秋  
江待得月夜語一作話恨無僧巴峽吟過否連天十二層

寄白閣默公

已知歸白閣山遠晚一作曉晴看石室人心靜冰潭月影

殘微雲分片滅古木落薪乾後一作夜誰聞一作風飄磬西

峰絕頂寒

雨後宿劉司馬池上

藍溪秋漱玉此地漲清澄  
蘆葦聲兼雨芰荷香遠燈  
岸頭秦古道亭面漢荒陵  
靜想泉根本幽崖落幾層

送朱可久歸越中

石頭城下泊北固暝鐘初汀鷺潮衝

一作衝潮

起船窗月過

一作過月

虛吳山侵越衆隋柳入唐疎日欲躬調膳辟來何

府書

送田卓入華山

幽深足

一作入

暮蟬驚覺石床眠瀑布五千仞草堂瀑布

邊壇松涓滴露嶽月沈寥天鶴過君須看上頭應有仙

送董正字常州覲省

相逐一行鴻何時出磧中江流翻白浪木葉落青楓輕  
檝浮吳國繁霜下楚空春來懼侍阻正字在東宮

酬姚少府

梅一作海

樹與山木俱應搖落初柴門掩寒雨蟲響出秋

疏枯槁彰清鏡孱愚友道書刊文非不朽君子自相於

送無可上人

圭峰霽色新送此草堂人塵尾同離寺蛩鳴暫別親

一作

秦

獨行潭底影數息樹邊身終有煙霞約天台作近隣

送李騎曹

一作  
曹

歸騎雙旌遠惟生此別中蕭關分磧路嘶馬背寒鴻朔

色晴天北河源落日東賀蘭山頂草時動捲帆

一作  
旂風

送烏行中

一本有  
送字

石淙

一作  
琮

別業

寒水長繩汲丁冷數滴翻草通石淙派硯帶海潮痕嶽

色何曾遠蟬聲尚未繁勞思當此夕苗稼在西原

送覺興上人歸中條山兼謁河中李司空

又憶西巖寺秦原草白時山尋熊徑上人到雪房遲暮

磬

一作  
磬

潭泉凍荒林野燒

一作  
火

移聞師新譯偈說擬對

旌麾

寄無可上人

僻寺多高樹涼天憶重遊磬過溝水盡月入草堂秋穴  
蟻苔痕靜藏蟬柏葉稠名山思徧往早晚到嵩丘

南池



蕭條微雨絕荒岸抱清源入舫山侵塞分泉稻

一作道

接

村秋聲依樹色月影在蒲根淹泊方難遂他宵關夢魂

### 寄龍池寺貞空二上人

受請終南住俱妨去石橋林中秋信絕峰頂夜禪遙寒  
草煙藏虎高松月照鵬霜天期到寺寺置即前朝

### 送貞空二上人

林下中餐後天涯欲去時衡陽過有伴夢澤出應遲石  
磬疎寒韻銅瓶結夜澌殷勤訝此別且未定歸期

送裴校書

拜官從秘省署職在藩維多故長疎索高秋遠別離天  
寒泗上醉夜靜岳陽碁使府臨南海帆飛到不遲

昇道

一作丹陽

精舍南臺對月寄姚合

月向南臺見秋霖洗滌餘出逢危葉落靜看

一作益

衆峰

疎冷露常

一作尋

時有禪窗此夜虛相思聊悵望潤氣徧

衣初

一作裾

即事

索莫對孤

一作寒

燈陰雲積幾層自嗟憐

一作碑

十上誰肯

待三徵心被通人見文叨大匠稱悲秋秦塞草懷古漢

家陵城靜高崖樹漏多幽沼冰過聲沙島鷺絕行石菴

僧豈謂

一作為

舊廬在誰言歸未曾

### 黃子陂上韓吏部

石樓云

一作雲

一別二十二三春相逐升堂者幾為埋骨

人涕流聞度

一作染

瘴病起喜

一作賀

還秦曾是令

一作今

勤

道非惟卹在迢疎衣蕉縷細爽味茗芽新鐘絕滴殘雨

螢多無近隣溪潭承到數位秩見辭頻若箇山招一作中  
隱機忘任此身

投李益

四十歸燕字千一作十年外始吟已將書北嶽不用比南  
金

弔孟協律

才行古人齊生前品位低葬時貧賣馬遠一作逝日哭惟  
妻孤塚北邙外空齋中嶽西集詩應萬首物象徧曾題

送人適越

高城滿夕陽何事欲霑裳  
遷客逢蒿暮遊人道路長  
晴湖勝鏡碧寒柳似金黃  
若有相思夢殷勤載八行

送僧遊衡嶽

心知衡嶽路不怕去人稀  
船裏猶鳴磬溪頭自曝衣  
有家從小別無寺不言歸  
料得逢寒住當禪雪滿扉

送路

一本有某  
從軍三字

別我就蓬蒿日斜飛伯勞  
龍門流水急嵩岳片雲高  
歎

命無知已梳頭落白毛從軍當此去風起廣陵濤

洛陽道中寄弟

趨走迫流年慙經此路

一作地

偏密雲埋二室積雪度三

川生類梗萍泛悲無金石堅翻鴻有歸翼極目仰聯翩

登江亭晚望

浩渺浸雲根煙嵐沒遠村鳥歸沙有跡帆過浪無痕望  
水知柔性看山欲倦魂縱情猶未已迴馬欲黃昏

送耿處士

一瓶離別酒未盡即言行萬水千山路孤舟幾月程川  
原秋色靜蘆葦晚風鳴迢遞不歸客人傳虛隱名

過唐校書書齋

池蒲風吹竹時時得爽神聲齊雛鳥語畫卷老僧真月  
出行幾步花開到四鄰江湖心自切未可挂頭巾

送杜秀才東遊

東遊誰見待盡室寄長安別後

一作度

葉頻落去程

一作登途

山已寒大河風色度曠野燒煙殘匣有青銅鏡時將照

鬢看

送天台僧

遠夢歸華頂，扁舟背岳陽。  
寒蔬修淨食，夜浪動禪床。  
鴈

過孤峰曉

一作脫

援啼一樹霜，身心無別念。  
餘習在詩

一作

丈  
章

懷紫閣隱者

寂寥思隱者，孤獨坐秋霖。  
梨栗援喜熟，雲山僧說深。  
寄書應不到，結伴擬同尋。  
廢寢方終夕，迢迢

一作沈沈

紫閣心



雨夜同厲玄懷皇甫荀

桐竹遶庭匝雨多風更吹還如舊山夜卧聽瀑泉時磧  
鴈來期近秋鐘到夢遲溝西吟苦客中夕話兼思

秋暮

北門楊柳葉不覺已繽紛值鶴因臨水迎僧忽背雲白  
鬚相並出清一作晴淚兩行分默默空朝夕苦吟誰喜聞

哭胡遇

夭壽知齊理何曾免歎嗟祭迴一作葬時收朔雪弔後一作罷

折寒花野水秋吟

一作吟秋

斷空山暮影

一作影暮

斜弟兄相識

徧猶

一作那

得到

一作見

君家

送丹師歸閩中

波濤路杳然衰柳洛陽蟬行李經雷電禪前漱島泉歸  
林久別寺過越未離船自說從今去身應老海邊

送安南惟鑒法師

講經春殿裏花遶御牀飛南海幾迴渡

一作過

舊山臨老

歸潮搖蠶草落月溼島松微

一作觸風香損  
印霜雨啓生衣

空水既如

彼

一作雲水  
路迢迢

往來消息稀

題李凝幽居

閒居少鄰並草徑入荒園鳥宿池邊

一作中

樹僧敲月下

門過橋分野色移石動雲根暫去還來此幽期不負言

送韓湘

挂席從古

一作中

路長風起廣津楚城花未發上苑蝶來

新半沒湖波月初生島草春孤霞臨石鏡極浦映村神

細響吟乾葦餘馨動遠蘋欲憑將一札寄與沃洲人

寄董武

雖同一城裏少省得從容門掩園林僻日高中幘慵孤  
鴻來半夜積雪在諸峰正憶毘陵客聲聲隔水鐘

宿贊上人房

堦前多是竹閒地擬栽松朱點草書疏雪平麻履蹤御  
溝寒夜雨宮寺靜時鐘此時一作室無他事來尋一作多不

厭重

訪李甘原居

原西居處靜門對曲江開石縫銜枯草查根上淨

一作清古

苔翠微泉夜落紫閣鳥時來仍憶尋淇岸同行採蕨回

### 題山寺井

沈沈百尺餘功就豈斯須汲早僧出定鑿新蟲自無藏  
源重嶂底澄翳太空隅此地如經劫涼潭會共枯

### 僻居無可上人相訪

自從居此地少有事相關積雨荒鄰圃秋池照遠山硯  
中枯葉落枕上斷雲閒野客將禪子依依偏往還

送李餘及第歸蜀

知音伸久屈，覲省去光輝。  
津渡逢清夜，途程盡翠微。  
雲當綿竹疊，鳥離錦江飛。  
肯寄書來否，原居出亦一作甚稀。

荒齋

草合徑微微，終南對掩扉。  
晚涼疎雨絕，初曉遠山一作蟬稀。  
落葉無青地，閒身著白衣。  
朴愚猶一作由本性，不是學

忘機

夜喜賀蘭三見訪

漏鐘仍夜淺時節欲秋分  
泉聒棲松鶴風除翳月雲  
踏苔行引興枕石臥論文  
即此尋常靜來多祇是君

題青龍寺鏡公房

一夕曾留宿終南搖落時  
孤燈岡

一作  
龕

舍掩殘磬雪風

吹樹老因寒折泉深出井  
遲疎慵豈有事多失上方期

送陳判官赴綏

一作  
天德

將軍邀入幕束帶便離家  
身暖蕉衣窄天寒磧日斜  
火

燒岡斷葦

一作  
草

風卷雪平

一作  
和

沙絲竹豐州有春來祇

欠花

送唐環歸敷水莊

毛女峰當戶日高頭未梳地侵山影掃葉帶露痕書松

徑僧尋藥

一作廟

沙泉鶴見魚一川風景好

一作人境別

恨不

有吾廬

原東居喜唐溫琪頻至

曲江春草生紫閣雪分明汲井嘗泉味聽鐘問寺名墨  
研秋日雨茶試老僧鐺地近勞頻訪烏紗出送迎



送敎法師

度歲不相見嚴冬始

一作知

出關孤煙寒色樹高雪夕陽

山瀑布寺應到牡丹房甚閒

一作寒

南朝遺跡在此去幾

時還

寄錢庶子

曲江春水滿北岸掩

一作枕

柴關祇有僧鄰舍全無物映

山樹陰終日掃藥債

一作詩債

隔年還猶記聽琴夜寒燈竹

屋間

原上秋居

關西

一作山

又落木心事復如何歲月辭山久秋霖入夜

多鳥從井口出人自洛

一作岳

陽過倚杖聊閒望田家未

翦禾

夏夜

原寺偏鄰近開門物景澄磬通多葉罅月離片雲稜寄  
宿山中鳥相尋海畔僧唯愁秋色至乍可在炎蒸

冬夜

羈旅復經冬瓢空盎亦空淚流寒枕上跡絕舊山

一作溪

中凌結浮萍水雪和衰柳風曙光鷄未報嘹唳兩三鴻

### 送厲宗上人

擁策背岷峨終南雨雪和漱泉秋鶴至禪樹夜猿過高  
頂白雲盡前山黃葉多曾吟廬嶽上月動九江波

### 寄李存穆

聞道船中病似憂親弟兄信來從水路身去到柴城久  
別長鬚鬢相思書姓名忽然消息絕頻夢却還京

贈無懷禪師

身從劫劫修果以此生周禪定石床暖月移山樹秋捧  
盂觀宿飯敲磬過清流不掩玄關路教人問白一作到頭

寄武功姚主簿

居枕江沱北情懸渭曲西數宵曾夢見幾處得書披驛  
路穿荒坂公田帶淤泥靜慕功奧妙閒作韻清淒鋤草  
留叢藥尋山上石梯客迴河水漲風起夕陽低空地苔  
連井孤村火隔溪卷簾黃葉落鎖印子規啼隴色澄秋

月邊聲入戰輦會須過縣去況是屢招攜

題劉華書齋

白石床無麝香松樹

一作  
拚

有鱗一鶯啼帶雨兩樹合

一作

各

從春荒榭苔膠砌幽叢果墮榛偶來踈或數當暑夕

勝晨露滴星河水巢重草木薪終南同往意趙北獨遊

身渡葉司天漏驚蛩遠地人機清公幹族

一作  
疾

也莫卧

漳濱

送盧秀才遊路府

雨餘滋潤在風不起塵沙邊日寡文思送君吟月華過  
山千相府臨水宿僧家能賦馬長屈芳一作他春宴杏花

送南康姚明府

銅章美少年小邑在南天版籍多遷客封疆接洞田靜  
江鳴野鼓發纜帶村煙却笑陶元亮何須憶醉眠

送友人棄官遊江左

羨君休作尉萬事且全身寰海多虞日江湖獨往人姓  
名何處變鷗鳥幾時親別後吳中使應須訪子真

雨中懷友人

對雨思君子  
嘗茶近竹幽  
儒家鄰古寺  
不到又逢秋

寄遠

家住錦水上  
身征遼海邊  
十書九不到  
一到忽經年

南齋

獨自南齋卧  
神閒景亦空  
有山來枕上  
無事到心中  
簾卷侵床月  
屏遮入座風  
望春春未至  
應在海門東

早春題友人湖上新居二首

一作項斯詩

近得雲中路

一作看

門長侵早開到時猶有雪行處已無

苔勸酒客初醉留茶僧未來每逢晴暖日惟見乞花栽

門不當官道行人到亦稀故從餐後出多是夜深歸開

篋收詩卷掃牀移卧衣幾時同買宅相送

一作近

有柴扉

送雍陶入蜀

江山事若諳那肯滯雲南草色分危磴杉陰近古潭日  
斜褒谷鳥夏淺雋州蠶吾自疑雙鬢相逢更不堪

張郎中過原東居



年長惟添懶經旬止掩關高人餐藥後下馬此林間對  
坐天將暮同來客亦閒幾時能重至水味似深山

荅王建

一本無建字

祕書

人皆聞蟋蟀我獨恨

一作歎

蹉跎白髮無心鑷青山去意

多信來漳浦岸期負洞庭波時掃高槐影朝迴或恐過

送李餘往湖南

昔去候溫涼秋山滿楚鄉今來從辟命春物徧潯陽岳  
石挂海雪野楓堆渚檣若尋吾祖宅寂寞在瀟湘

偶作

野步隨吾意那知是與非  
稔年時雨足閨月暮蟬稀  
獨樹依岡老遙峰出草微  
園林自有主宿鳥且同歸

過雍秀才居

夏木鳥巢邊終南嶺色鮮  
就涼安坐石煮茗汲鄰泉  
鐘遠清霄半蜩稀暑雨前  
幽齋如葺罷約我一來眠

寄顧非熊

知君歸有處山水亦難齊  
猶去瀟湘遠不聞猿狖啼  
穴

通茆嶺下潮滿石頭

一作城

西獨立生遙思秋原日漸低

送神邈法師

柳絮落濛濛西州道路中相逢

一作留

春忽盡獨去講初

終行疾遙山雨眠遲後夜風繞房三兩樹迴日

一作去

葉

應紅

送慈恩寺霄韻法師謁太原李司空

何故謁司空雲山知幾重磧遙來鴈盡雪急去僧逢清

磬先寒角禪燈徹曉烽

一作峯

舊房間片石倚著最高松

送知興上人

久住巴興寺如今始拂衣欲臨秋水別不向故園

一作山

歸錫挂天涯樹房開

一作閑

嶽頂扉下看千

一作萬

里曉霜

海日生微

送惠雅法師歸玉泉

祇到

一作向

瀟湘水洞庭湖未遊飲泉看月別下峽聽猿

愁

一作浮

講不停雷雨吟當

一作曾

近海流降霜歸楚夕星

冷玉泉秋

憶江上吳處士

閩國揚帆去蟾蜍虧

一作還

復團秋風生渭水落葉滿長

安此地聚會夕當時雷雨寒蘭橈殊未返消息海雲端

題張

一作章

博士新居

青楓何不種林在洞庭村應為三湘遠難移萬里根斗

牛初過伏菌菌欲香門

一作斗移亭北  
謝蓮照水邊門

舊即湖山隱新

廬葺此原

石

一作百

門陂留辭從叔暮

幽鳥飛不遠此行千里間寒衝陂水霧醉下菊花山有  
恥長為客無成又入關何時臨澗柳吾黨共來攀

送朱兵曹迴越

星彩練中見澄江豈有泥潮生垂釣罷楚盡去檣西磧  
鳥辭沙至山鰓隔水啼會稽半侵海濤白禹祠溪

懷博陵故人

孤城易水頭不忘舊交遊雪壓園碁石風吹飲酒樓路  
遙千萬里人別十三秋吟苦相思處天寒水急流

夕思

秋宵已難曙漏向二更分我憶山水坐蟲當寂寞聞洞  
庭風落木天姥月離雲會自東浮去將何欲致君

寄河中楊少尹

非惟咎曩時投刺詣門遲悵望三秋後參差萬里期禹  
留疏鑿跡舜在寂寥祠此到一作致杳難共迴風逐所思

孟融逸人

孟君臨水居不食水中魚衣褐唯麤帛筐箱祇素書樹

林幽鳥戀世界此心疎擬棹孤舟去何峰又結廬

晚晴見終南諸峰

秦分

一作下

積多峰連巴勢不窮半句藏雨裏此日到窗

中圓魄將昇兔高空

一作虛

欲叫鴻故山思不見碣石次

寥東

宿池上

泉來從絕壑亭敞在中流竹密無空岸松長可絆舟  
蟪蛄潭上夜河漢島前秋異夕

一作日

期深漲攜琴却此遊



喜姚郎中自杭州迴

路多楓樹林累日泊清陰來去泛流水翛然適此心一  
披江上作三起月中吟東省期司諫雲門悔不尋

送鄭長史之嶺南

一本題作  
送鄭史

雲林頗重疊岑渚復幽奇汨水斜陽岸騷人正則祠蒼  
梧多蟋蟀白露溼江籬擢第榮南去晨昏近九疑

送李漢謁宥州李權使君

英雄典宥州迢遞苦吟遊風宿驪山下月斜灞水流去

時初落葉回日定非一作無秋太守攜才子看鵬百尺樓

永福湖和楊鄭州

積水還平岸春來引鄭溪舊渠通郭下新堰絕湖西  
嵩少分明對瀟湘濶狹齊客遊隨庶子孤嶼草萋萋

題長江

一本有廳字

言心俱好靜  
癖暑落暉空  
歸吏封宵鑰  
行蛇入古桐  
長江頻雨後  
明月衆星中  
若任遷人去  
西溪一作浮與剡通

泥陽館

客愁何併起暮送故人回廢館秋螢出空城寒雨來夕陽飄白露樹影掃青苔獨坐離容慘孤燈照不開

送徐員外赴河中

原野正蕭瑟中間分散情吏從甘扈罷詔許朔方行邊日一作月沈殘角河關截夜城雲居閑獨往長老出房迎

送賀蘭上人

野僧來別我略坐傍泉沙遠道擎空鉢深山蹋落花無師禪自解有格句堪誇此去非緣事孤雲不定家

御定全唐詩卷五百七十二

欽定四庫全書

御定全唐詩卷五百七十三

賈島

寄令狐綯

一本無綯字

相公

梁園趨戟節海草幾枯春風水難遣便差池未振鱗  
姓名猶語及門館阻何因苦擬修文卷重擎獻匠人  
吟看青島處朝退赤墀晨根愛杉栽活枝憐雪霰新綴  
篇嗟調逸不和揣才貧早晚還霖雨滂沱洗月輪握苗  
方滅

裂成器待陶鈞困坂思迴顧迷邦輒問津數行望外札  
絕句握中珍是日榮遊汴當時怯往陳鴻春乖漢爵楨  
病卧漳濱獄整五千仞雲惟一片身故山離一作心未死  
秋水宿經旬下第能無恧高科恐有神罷耕田料廢省  
釣岸應榛慷慨知音在誰能淚墮巾

寄滄州李尚書

滄溟深絕濶西岸郭東門弋者羅夷鳥杼人思嶠援威  
稜高臘冽煦育極春溫陂淀封疆內蒹葭壁壘根搖鞞

邊地脈愁箭虎狼魂水縣賣紗市鹽田煮海村枝條分  
御葉家世食唐恩武可縱橫講功從戰伐論天涯生月  
片嶼頂湧泉源非是泥池物方因一作應雷雨尊沈謀藏  
未露隣境帖無喧青塚驕回鶻蕭關陷吐蕃何時霖霰  
早早晚雪邦冤迢遶瞻旌纛浮陽寄詠言

逢舊識

幾歲阻干戈今朝勸酒歌羨君無白髮走馬過黃河舊  
宅兵燒盡新宮日奏一作奉多妖星還有角數尺鐵重磨

崇聖寺斌公房

斌公一作彬公

近來惟一食樹下掩禪扉  
落日寒山磬多年壞衲衣  
白鬚長更剃青靄遠還歸  
仍說遊南嶽經行是息機

送李傅侍郎

一作御

劍南行營

走馬從邊事新恩受外臺  
勇看雙節出期破八蠻回  
許國家無戀盤江棧不推移  
軍刁斗逐報捷劍門開角咽  
獼猴叫聲乾霹靂來去年西  
甸邑猶滯佐時才

別徐明府

一作甫



抱琴非本意生事偶相縈口尚素安節身無子賤名地  
寒春雪盛山淺夕風輕百戰餘荒野千夫漸耦一作耕  
一杯宜獨夜孤客戀交情明日疲驂去蕭條過古城

岐下送友人歸襄陽

蹉跎隨汎梗羈旅到西州舉翮籠中鳥知心海上鷗山  
光分首一作手暮草色向家秋若更登高峴看碑定淚流

送友人遊蜀

萬岑深積翠路向此中難欲暮多羈思因高莫遠看卓

家人寂寞揚子業凋殘唯有岷江水悠悠帶月寒

送鄭少府

江岸一相見空令惜此分夕

一作逢

陽行帶月酌水少留

君野地初

一作多

燒草荒山過雪雲明年還調集蟬可在

家聞

子規

一作項斯詩

遊魂自相叫寧復記前身飛過隣家月聲連

一作憐

野路

一作寺

春夢邊催曉急愁處送風頻自有霑花血相和雨

滴新

送僧歸天台

辭秦經越過歸寺海西峯石礪雙流水山門九里松  
曾聞清禁漏却聽赤城鐘妙字一作字研磨講應齊智者蹤

讓紉曹上樂使君

戰戰復兢兢猶如履薄冰雖然叨一掾還似說三乘  
瓶汲南溪水書來北嶽僧慙愚兼抱疾權紀不相應

贈友人

五字詩成卷清新韻具

一作少得

偕不同狂客醉自伴律僧

齋春別和花樹秋辭帶月淮却歸登第日名近榜頭排

送雍陶及第歸成都寧親

一作親

不唯詩著籍兼又賦知名議論於題稱春秋對問精半

應陰隲與全賴有司平歸去峯

一作巖

戀衆別來松桂生

漲江流水品

一作品

當道白雲坑勿以攻文捷

一作健

而將

學劒輕製衣新濯錦開醞舊燒罌同日昇科士誰同膝

下榮

謝令狐綯

一本無綯字

相公賜衣九事

長江飛鳥外，主簿跨驢歸。  
逐客寒前夜，戎戎厚衣雪。  
來松更綠，霜降月彌輝。  
即日一作入調殷鼎，朝分是與非。

送金州鑒周上人

地

一作池

必尋天目溪，仍住若耶帆。  
隨風便發月，不要雲

遮。極浦浮霜雁，迴潮落海查。  
幾嶠春上立，雪指流沙。

送譚遠上人

下視白雲時，山房蓋

一作挂

樹皮垂

一作雪

枝松落子側

一作

佛頂鶴聽棋清淨從沙劫中終未日敲金光明本行同  
侍出我嶠

新年

嗟以龍鍾身

一作號

如何歲復新石門思隱久銅鏡強窺

頻花發新移樹心知故國春誰能平此恨豈是北宗人

送僧

出家從州歲解論造玄門不惜揮談柄誰能聽至言中  
時山果熟後夏竹陰繁此去逢何日我嶠曉復昏

送姚杭州

白雲峯下城日夕白雲生人老江波

一作魚江

釣田侵海樹

耕吳山鍾入越蓮葉吹搖旌詩異石門思濤來向越

一作

遠迎

一作閣上迎

夜集田卿宅

朗詠高齋下如將古調彈翻鴻向桂水來雪渡桑乾滴  
滴玉漏曙脩脩竹籟殘曩年曾宿此亦值五陵寒

寄山友

一作中

長孫棲嶠

此時氣蕭颯

一作瑟

琴院可應關鶴似君無事風吹雨過

山松生青石上泉落白雲間有徑連高

一作嵩

頂心期相

與還

酬厲玄

我來從北鄙子省涉

一作度

西陵白髮初相識秋山擬共

登鄰居帝城雨會宿御溝冰未報見

一作君

貽作耿耿中

夜興

送劉式洛中覲省



晴峯三十六侍立上春臺同宿別離恨共看星月迴野  
鶯臨苑語河擢歷江來便寄相思札緘封花下開

送空公往金州

七百里山水手中柳栗麤松生師坐石潭滌祖傳孟長  
擬老嶽嶠又聞思海湖惠能同俗姓不是嶺南盧

贈紹明上人

未住青雲

一作龍

室中秋獨往年上方嵩若

一作古

寺下視

雨和

一作如

烟祖豈無言去心因斷臂傳不知能已後更

有幾燈然

贈弘泉上人

洗足下藍嶺古師精進同心知  
溪卉長居此玉林空西  
殿宵燈磬東林曙雨風舊峯鄰  
太白石座雨苔蒙

送宣皎上人遊太白

剃髮鬢無雪去年三十三  
山過春草寺磬度落花潭  
得句才鄰約論宗意在南  
峯靈疑懶下蒼翠太虛參

病起

高

一作嵩

丘歸未得空自責遲迴身事豈能遂蘭花又已

開病令新作少雨阻故人來燈下南華卷祛愁當酒杯

送殷侍御赴同州

馮翊蒲西

一作連

郡沙岡擁地形中條全離嶽清渭半和

涇夜暮

一作久

眠明月秋深

一作新

至洞庭猶來交辟士

一作

由來交臂者

事別

一作事

偃林扃

送沈鶴

家楚壻於秦攜妻去養親陸行千里外風卷一帆新夜

泊疏山雨秋吟搗藥輪蕪城登眺作

一作後

才動廣陵人

秋夜仰懷錢孟二公琴客會

月色四時好秋光君

一作吾

子知南山昨夜雨為我寫

一作

寄

清規獨鶴聳寒骨高杉韻細颺仙家縹緲弄髣髴此

中期

贈李金州

綺里祠前後山程踐白雲沝流隨大旆登岸見全軍曉

角吹人夢秋風卷雁羣霧開方露日漢水底

一作與

沙分

酬姚合

一本無合字

校書

因貧行遠道

一作遠

得見舊交遊美酒易傾盡好詩難卒

酬公堂朝共到私第夜相留不覺入關晚別來林木秋

送獨孤馬二秀才居明月山讀書

濯志俱高潔儒科慕冉顏家辭臨水郡雨到讀書山棲

鳥梭花上聲鐘磔

一作磔

閣間寂寥窗戶外時見一舟還

病蟬

病蟬飛不得向我掌中行拆翼猶能薄酸吟尚極清露

華凝在腹塵點誤侵晴黃雀并一作鳶一作鳥俱懷害

兩情

青門里作

燕存鴻已過海內幾人愁欲問南宗理將歸北嶽修若  
無攀桂分祇是卧雲休泉樹一為別依稀三十秋

盧秀才南臺

居在青門里臺當千萬岑下因岡助勢上有樹交陰陵

遠根纔近

一作辨

空長畔可尋新晴登嘯處

一作月

驚起宿

枝禽

寄李翰侍郎

終過盟津書分明夢不虛人從清渭別地隔太行餘賓  
幕誰嫌靜公門但晏如柵鞞乾霹靂斜漢溼蟾蜍追琢  
垂今後敦龐得古初井臺憐操築漳岸想丕疏亦冀鏗  
珉珮終當直石渠此身多抱疾幽里近營居憶漱蘇門  
澗經浮楚澤瀦松栽侵古影葦斷尚芹菰語嘿曾延接  
心源離漳淤誰言姓琴氏獨跨角生魚

寄令狐綯

一本無綯字

相公

驢駿勝羸馬東川路匪賒一緘論賈誼三蜀寄嚴家澄  
澈霜江水分明露石沙話言聲及政棧閣谷離斜自著  
衣偏暖誰憂雪六花裏裳留濶襪防患與通茶山館中  
宵起星河殘月華雙僮前日雇數口向天涯良樂知騏  
驎張雷驗鏐錙謙光賢將相別紙聖龍蛇豈有斯言玷  
應無白璧瑕不妨圓鬼裏人亦指蝦蟇

再投李益常侍



何處初投刺當時赴尹京淹留花柳一作木變然諾肺腸

傾避暑蟬移樹高眠一作登高雁過城人家嵩嶽色公府洛

河聲聯句逢秋盡嘗茶見月生新衣裁白苧思從曲江

行

### 積雪

昔一作省屬時霖滯今逢臘雪多南猜飄桂渚北訝雨交

河盡滅平蕪色彌重古木柯空中離白氣島外下滄波

隱者迷樵道朝人冷玉珂夕繁仍晝密漏間復鐘和想

積高嵩頂新秋皎

一作皓

月過

過楊

一作陽

道士居

先生修道處  
茆屋遠囂氛  
叩齒坐明月  
搢頤望白雲  
精

神含藥色衣服帶霞紋  
無話

一作每語

瀛洲路多年別少君

贈僧

亂山秋木穴裏有靈蛇  
藏鐵錫挂臨

一作陵

海

一作臨滄海

石樓聞異香出塵頭未白  
入定衲凝霜  
莫話五湖事  
令

人心欲狂

送友人遊塞

飄蓬多塞下君見益潸然迴磧沙銜日長河水接天夜  
泉行客火曉戍向京烟少結相思恨佳期芳草前

思遊邊友人

凝愁對孤燭昨日飲離杯葉

一作  
鄰

下故人去天中新雁

來連沙秋草薄帶雪暮山開苑北紅塵道何時見遠迴

秋暮寄友人

寥落關河暮霜風樹葉低遠天垂地外寒日下峯

一作  
山

西有志煙霞切無家歲月迷清宵話白閣已負十

數一作

年棲

寄令狐綯

一本無綯字

相公

官高頻

一作蒙明

教授老免把犁鋤一主長江印三封東省

書不無濠上思唯食圃中蔬夢幻將泡影浮生事只如

和孟逸人林下道情

四氣

一作時

相陶鑄中庸道宜銷夏雲生此日春色盡今

朝陋巷貧無悶毘耶疾未調已栽天

一作毫

末柏合抱豈

非遙

宿姚少府北齋

石溪同夜泛，復此北齋期。  
鳥絕吏歸後，蛩鳴客卧時。  
鑊城涼雨細，開印曙鐘遲。  
憶此漳川岸，如今是別離。

雪晴晚望

倚杖望晴雪，溪雲幾萬重。  
樵人歸白屋，寒日下危峯。  
野火燒岡草，斷煙生石古。  
一作松却回山寺路，聞打暮天鐘。

送崔嶠遊瀟湘

功烈尚書孫琢磨風雅言渡河山鑿處陟峴漢灘喧夢  
想吟天目宵同話石門楓林葉欲下極浦月清曠

寄朱錫珪

遠泊與誰同來從古木中長江人釣月曠野火燒風夢  
澤吞楚大閩山阨

一作隱

海叢此時檣底水濤起屈原通

馬戴居華山因寄

玉女洗頭盆孤高不可言瀑流蓮嶽頂河注華山根絕  
雀林藏鶻無人境有猿秋蟾繞過雨石上古松門

寄胡遇

一自殘春別經炎復到涼螢從枯樹出蛩入破堦藏落  
葉書勝紙閒砧坐當牀東門因送客相訪也何妨

送李戎扶持往壽安

二千餘里路一半是波濤未曉著衣起出城逢日高關  
山多寇盜扶持帶弓刀臨別不揮淚誰知心鬱陶

送孫逸人

衣屨猶同俗妻兒亦宛然不餐能累月無病一作疾已多

年是藥皆諳性令人漸信仙杖頭書數卷荷入翠微煙  
寄華山僧

遙知白石室松柏隱朦朧月落看心次雲生閉目中五  
更鐘隔嶽萬尺水懸空苔蘚嵌巖所依稀有徑通

送李登少府

伊陽耽酒尉朗詠醉醒新應見嵩山裏明年躑躅春一  
千尋樹直三十六峯隣流水潺潺處堅貞玉澗珉

易州過郝逸人居



每逢詞翰客邀我共尋君  
果見閑居賦未曾流俗聞也  
知鄰市井宛似出囂一作塵  
氛却笑巢由輩何須隱白雲

訓鄂縣李廓少府見寄

稍憐公事退復遇夕陽時  
北朔霜凝竹南山水入籬吟  
懷滄海侶空問白雲師  
恨不相從去心惟野鶴知

淨業寺與前鄂縣李廓少府同宿

來從城上峯京寺暮相逢  
往往語復默默微微雨灑松家  
貧初罷吏年長畏聞蛩  
前日猶拘束披衣起曉鐘

送南卓歸京

殘春別鏡陂罷郡未霜髭行李逢炎暑山泉滿路岐雲  
藏巢鶴樹風觸轉鶯枝三省同虛位雙旌帶去思入城  
宵夢後待漏月沈時長策并忠告從容寫玉墀

一作池

臥疾走筆酬韓愈書問

一卧三四旬數書惟獨

一作書至獨思

君願為出海月不作歸

山雲身上衣頻寄

一作蒙與

甌中物亦分欲知强健否病鶴

未離羣

長孫霞李濱自紫閣白閣二峯見訪

寂寞吾廬貧同來二閣人所論唯野事招作

一作訪我

住雲

鄰古寺期秋宿平林散早春漱流今已矣巢許豈堯臣

送惟一遊清涼寺

去有巡臺侶荒溪衆樹分瓶殘秦地水錫入晉山雲秋  
月離喧見寒泉出定聞人間臨欲別旬日雨紛紛

鄭尚書新開涪江二首

岸鑿青山破江開白浪寒日沈源出海春至草生灘梓

匠防波溢蓬仙畏水乾從今疏決後任雨滯峯巒

不侵南畝務已拔北江流涪水方移岸潯陽有到舟潭

澄初擣藥波動乍垂鈎山可疏三里從知一作惟應歷億秋

寄喬侍郎

大寧猶未到曾渡北浮橋曉出爬船寺手擎紫栗條差  
池不相見悵望至今朝近日營家計繩懸一小瓢

送去華法師

在越居何寺東南水路歸秋江洗一鉢寒日曬三衣默

聽鴻聲盡行看葉影飛囊中無寶貨船戶夜扃稀

送蔡京

躍蹄歸魯日帶漏別秦星易折芳條桂難窮遂義經登  
封多秦嶽巡狩徧滄溟家在何林下梁山翠滿庭

慈恩寺上座院

未委衡山色何如對塔峯曩宵曾宿此今夕值秋濃羽  
族棲烟竹寒流帶月鐘井甘源起異泉湧清苔封

題朱慶餘所居

天寒吟竟曉，古屋瓦生松。  
寄信船一隻，隔鄉山萬重。  
樹來沙岸鳥，窗度雪樓鐘。  
每憶江中嶼，更看城上峯。

送黃知

一作和

新歸安南

池亭沈飲徧，非獨曲江花。  
地遠路穿海，春歸冬到家。  
火山難下雪，瘴土不生茶。  
知决移一作秋來計，相逢期尚賒。

贈胡禪歸

自是根機鈍，非關夏臘深。  
秋來江上寺，夜坐嶺南

一作頭

心井鑿。山含月，風吹磬，出林祖師攜

一作遺

隻履去路杳。

難尋

元日女道士受籙

元日更新夜，齋身稱淨衣。  
數星連斗出，萬里斷雲飛。  
霜下磬聲在，月高壇影微。  
立聽師語了，左肘紫符歸。

重與彭兵曹

故人在城裏，休寄海邊書。  
漸去老不遠，別來情豈疎。  
硯冰催臘日，山雀到貧居。  
每一作有平戎計，一作官家一作策。

蒙別救

一作名

除

贈莊上人

不語焚香坐心知道已成流年衰此世定力見他生暮  
雪餘春冷寒燈續晝明尋常五侯至敢望下階迎

落第東歸逢僧伯陽

相逢須語笑人世別離頻曉至

一作去

長侵月思鄉動隔

春見僧心暫靜從俗事多迷宇宙詩名小山河客路新  
翠桐猶入甕清鏡未辭塵逸足思奔驥隨羣且退鱗宴  
乖紅杏寺愁在綠楊津老病難為樂開省賴故人



皇甫主簿期遊山不及赴

休官匹馬在新意入山中更住應難遂前

一作相

期恨不

同集蟬苔樹僻留客雨堂空深夜誰相訪惟當清淨翁

宿成湘林下

相訪夕陽時千株木末衰石泉流出

一作出

谷山雨滴棲

鷗漏向燈聽數酒因客寢遲今宵不盡興更有月明期

喜雍陶至

今朝笑語同幾日百憂中鳥度劒門靜蠻歸瀘水空步

霜吟菊畔待月坐林東且莫孤此興勿論窮與通

酬胡遇

麗句傳人口科名立可圖移居見山燒買樹帶巢烏遊  
遠風濤急吟清雪月孤却思初識面仍未有多鬚

宿慈恩寺郁公房

病身來寄宿自掃一牀閒反照臨江磬新秋過雨山竹  
陰移冷月荷氣帶禪關獨住一作天台意方從內請還

送褚山人歸日本

一作東

懸帆待秋水

一作色

去入杳冥間東海幾年別中華此日

還岸遙生白髮波盡露青山隔水相思在無書也是閒

寄韓湘

過嶺行多少潮州漲

一作瘴

滿川花開南去後水凍北歸

前望鷺吟登閣聽猿淚滴船相思堪面話

一作語

不著尺

書傳

雨夜寄馬戴

芳林杏花樹花落子西東今夕曲江雨寒催朔北風鄉

書滄海絕隱路翠微通寂寂相思際

一作處

孤

一作紅

缸殘

漏中

喜無可上人遊山回

一食復何如尋山無定居相逢新夏滿不見半年餘聽  
話龍潭雪休傳鳥道書別來還似舊白髮日高梳

寄毘陵徹公

身依吳寺老黃葉幾迴看早講林霜在孤禪隙月殘井  
通潮浪遠鐘與角聲寒已有南遊

一作浮

約誰言禮謁難

送韋瓊校書

賓佐兼歸覲此行江漢心  
別離從闕下道路向山陰  
孤嶼消寒沫空城滴夜霖  
若邪溪畔寺秋色共誰尋

寄劉侍御

衣多苔蘚痕猶擬更趨門  
一作村自夏雖無病經秋不過

原積泉留岱鳥  
雁一作壘岫嶼一作隔巴猿琴月西齋集如

今豈復言

送穆少府知睢州

劍門倚青漢君昔未曾過日暮行人少山深異鳥多援

一作狖啼和峽雨棧盡到江波一路白雲裏飛泉灑薜蘿

二月晦日留別鄴一作中友人

立馬柳花裏別君當酒酣春風漸向北雲一作雪雁不飛

南明曉日初一今年月又三鞭羸去暮色遠獄起煙嵐

送李校書赴吉期

筮算重重吉良期詎可遷不同牛女夜是配鳳凰年佩

玉春風裏題章蠟燭前詩書與箴訓夫哲又妻賢

宿孤館

落日投村戍愁生為客途寒

一作春

山晴後綠秋

一作江

月

夜來

一作深

孤橋樹千株在漁家一半無自知風水靜舟

繫岸邊蘆

哭宗密禪師

鳥道雪岑巔師亡誰去禪凡塵增減後樹色改生前層  
塔當松吹殘蹤傍野泉唯嗟聽經虎時到壞菴邊

宿山寺

衆岫聳寒色精廬向此分  
流星透疎木走月逆行雲  
絕頂人來少高松鶴不羣  
一僧年八十世事未曾聞

送友人如邊

去日重陽後前程菊正芳  
行車輾秋嶽落葉墜寒霜  
雲入漢天白風高磧色黃  
蒲輪待恐晚求薦向諸方

題竹谷上人院

禪庭高鳥道迴望極川原  
樵徑連峯頂石泉通竹根  
木深猶積雪山淺未聞猿  
欲別塵中苦願師貽一言



京北原作

登原見城闕策蹇思炎天日午路中客槐花風處蟬遠

山秦木

一作樹

上清渭漢陵前何事居人世皆從

一作因

名

利牽

寄江上人

紫閣舊房在新家中嶽東煙波千里隔消息一朝通寒

日汀洲路秋晴島嶼風分明杜陵葉別後兩

一作雨

經紅

送僧歸太白山

堅冰連夏處太白接青天雲塞石房路峯明雨外巔夜  
禪臨虎穴寒漱撇龍泉後會不期日相逢應信緣

暮過山村

數里聞寒水山家少四鄰怪禽啼曠野落日恐行人初  
月未終夕邊烽不過秦蕭條桑柘外煙火漸相親

鷺鷥

求魚未得食沙岸往來行島月獨棲影暮天寒過聲墮  
巢因木折失侶遇弦驚頻向煙霄望吾知爾去程

內道場僧弘紹

麟德燃香請長安春幾回夜閑

一作寒

同像寂畫定為吾

開講罷松根老經浮海水來六年雙足履只步院中苔

蔣亭和蔡湘州

蔣宅為亭榭蔡城東郭門潭連秦相井松老漢朝根已  
積蒼苔徧何曾舊徑存高齋無事後時復一攜尊

光州王建使君水亭作

楚水臨軒積澄鮮一畝餘柳根連岸盡荷葉出萍初極

浦清相似幽禽到不虛夕陽庭際眺槐雨滴疎

一作疎

留別光州王使君建

一本無建字

杜陵千里外期在末秋歸既見林花落須防木葉飛楚  
從何地盡淮隔數峯微回首餘霞失斜陽照客衣

宿姚合宅寄張司業籍

一本無籍字

閒宵因集會

一作會集

柱史詒先生身愛無一事心期往四

明松枝影搖動石磬響寒清誰伴南齋宿月高霜滿城

哭張籍

精靈歸恍惚石磬韻曾聞  
即日是前古誰人耕此墳  
舊

遊孤櫂

一作枕

遠故域九江分  
本欲蓬瀛去餐芝御白雲

### 靈準上人院

掩扉當太白臘數等松椿  
禁漏來遙

一作遲

夜山泉落近

鄰經聲終卷曉草色幾芽  
春海內知名士交遊準上人

### 寄柳舍人宗元

一本無宗元二字

格與功俱造何人意不降  
一宵三夢柳孤泊九秋江  
擢第名重列冲天字幾雙  
誓為仙者僕側執馭風幢

送玄巖上人歸西蜀

玉壘山中寺幽深，勝槩多藥成彭祖。  
擣頂受七輪，摩去臘催今夏流光等。  
逝波會當依糞掃一作草五嶽徧頭陀。

寄宋州田中丞

古郡近南徐，關河萬里餘。  
相思深夜後，

一作雨

未答去秋

一作年

書自別知音，少難忘識面。  
初舊山期已久，門掩數

畦蔬。

送朱休歸劔南

劍南歸受賀太學賦聲雄山路長江岸朝陽十月中芽  
新抽雪茗枝重集援楓卓氏琴臺廢深蕪想徑通

寄長武朱尚書

不日即登壇槍旗一萬竿角吹邊月沒鼓絕爆雷殘中  
國今如此西荒可取難白衣思請謁徒步在長安

送皇甫侍御

曉鐘催早朝自是

一作  
獨自

赴嘉招舟泊湘江濶田收楚澤

遙雁驚起衰草援渴下寒條來使黔南日時應問寂寥

郊居即事

住此園林久其如未是家  
葉書傳野意簷溜煮胡茶  
雨後逢行鶯更深聽遠蛙  
自然還往裏多是愛煙霞

夜集姚合宅期可公不至

公堂秋

一作春  
一作初

雨夜已是念園林何事疾病日重論山

水心孤燈明臘後微雪下更深  
釋子乖來約泉西寒磬音

喜李餘自蜀至



迢遞岷峩外西南驛路高幾程尋嶮棧獨宿聽寒濤白  
鳥飛還立青猿斷更號往來從此過詞體近風騷

王侍御南原莊

買得足雲地新栽藥數窠峰頭盤一徑原下注雙河春  
寺閒眠久晴臺獨上多南齋宿雨後一作夜仍許重來麼

過一作

送康秀才

俱為落第年相識落花前酒瀉兩三盞詩吟十數篇行

歧逢塞雨嘶馬上津船樹影高堂下迴時應有蟬

送僧

此生披衲過在世得身閒日午遊都市天寒往華山言  
歸文字外意出有無間仙掌雲邊樹巢禽時出關

寄魏少府

來時乖面

一作傷遠

別終日使人慙易記卷中句難忘燈下

談溼苔黏樹癭瀑布濺房菴音信如相惠移居古井南

原居即事言懷贈孫員外

出入土門偏秋深石色泉經通原上草地接水中蓮採  
菌依餘枿拾薪逢刈田鐮擣白髮斷兵阻尺書傳避路  
來華省抄詩上彩牋高齋久不到猶喜未經年

登樓

秋日登高望涼風吹海初山川明已久河漢沒無餘遠  
近涯寥曠一作廊高低中太虛賦因王閣筆思比謝遊疎

上樂使君救康成公

一作陳陶  
續古詩

曾夢諸侯笑康囚議脫枷千根池裏藕一朵火中花

昆明池泛舟

一枝青竹榜泛泛綠萍裏不見釣魚人漸入秋塘水

送僧

大內曾持論天南化俗行舊房山雪在春草岳陽生曉  
了蓮經義堪任寶蓋迎王侯皆護法何寺講鐘鳴

送劉知新往襄陽

此別誠堪恨荆襄是舊遊眼光懸欲落心緒亂難收花  
木三層寺煙波五一作伍相樓因君兩地去長使夢悠悠

寄慈恩寺郁上人

中秋期夕望虛室省相容北斗生清漏南山出碧重露  
寒鴈宿竹鴻過月圓

一作懸

鐘此夜情應切衡陽舊住峰

御定全唐詩卷五百七十三